

15 NOIEMBRIE
RUGACIUNEA 3
SF.MUCENICI
GURIE,SAMONA SI AVIV
DE LA EDESA SIRIEI

МОЛИТВА

О, всеблаженный и многострадальный святый страстотерпец, тричисленный мученицы Гурие, Самоне и Авиве, веры Православныя поборницы, безбожия идольскаго обличители, врагов прогонители, обидимых заступницы и всех христиан теплии предстателие! О, велиции страдальцы и угодницы Христовы, исповедницы всесветлии! Помилуйте нас, грешных и недостойных, в бедах, скорбех и печалех и во всякой злой напасти пребывающих: избавите нас от обидящих и ненавидящих нас, от враг видимых и невидимых и от всякаго злаго человека; и якоже избависте отроковицу от горькия смерти, во гробе от злаго воина Готфина живу затворенную, тако и ныне по данней вам от Бога благодати, в супружестве убо живущия в любви и единомыслии соблюдайте, всех же нас в

вере и благочестии утвердите и от находящих на ны зол во временней сей жизни избавите. О, велиции поборницы Гурие, Самоне и Авиве, воины Небеснаго Царя! Не забудьте нас, всегда вам молящихся и помощи вашей просящих, но предстояще у Престола Вседержителя, молитесь о нас грешных и недостойных, подати нам оставление грехов, да от вечнаго мучения избавльшися, получим от Бога неизреченная благая, яже уготована Господь любящим Его, яко подобает Ему всякая слава, честь и поклонение, Отцу и Сыну и Святому Духу, ныне и присно и во веки веков. Аминь.